

Na temelju članka 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj 35/05), članka 31. st. (1) i (2) i članka 38. Zakona o izvršavanju Proračuna Federacije Bosne i Hercegovine za 2024. godinu („Službene novine Federacije BiH“, broj 07/24) i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Udruge proistekle iz posljednjeg domovinskog rata“ utvrđenog Proračunom Federacije BiH za 2024. godinu, Federalnom ministarstvu za pitanja branitelja i invalida domovinskog rata/Federalnom ministarstvu za pitanja boraca i invalida odbrambeno-oslobodilačkog rata, V. broj: 436/2024 od 13.03.2024. godine, Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata, objavljuje:

JAVNI POZIV

za podnošenje zahtjeva za ostvarivanje prava na dodjelu sredstava Proračuna/Budžeta Federacije BiH za 2024. godinu iz oblasti braniteljsko - invalidske zaštite – „Tekući transferi neprofitnim organizacijama – Udruge proistekle iz posljednjeg domovinskog rata“

I.

Predmet Javnog poziva je sufinansiranje programa rada udruga/saveza proisteklih iz posljednjeg domovinskog rata.

II.

Pravo učestvovanja na Javnom pozivu ostvaruju udruge/savezi koji su registrirani za obavljanje djelatnosti (poslova) koje se odnose na braniteljsku populaciju, a koji okupljaju najmanje 60% svojih članica registriranih na nivou kantona sa istim baznim nazivom saveza uz dodatak naziva kantona u kojem su registrirani i registrirani su na federalnom nivou ili na nivou Bosne i Hercegovine, sa projektima usmjerenim na realizaciju ciljeva ovog programa.

Ciljevi programa su: podrška u realizaciji projekta od značaja za rad udruga/saveza, poboljšanje položaja članova saveza, poboljšanje ambijenta za život i rad braniteljskih populacija, poboljšanje uslova efikasnijeg i uspješnijeg doškolovavanja, edukacije, liječenja, rješavanja stambenog pitanja, pomoć u radu udruga/saveza, te zaštite braniteljskih populacija po pitanju pravne i materijalne sigurnosti.

III.

Pravo učešća po ovom Javnom pozivu nemaju podnosioci zahtjeva iz točke II. ovog Javnog poziva kojima su u prethodnoj proračunskoj godini odobrena sredstva za iste namjene, a nisu dostavili izvještaj o utrošku sredstava.

IV.

Prijedlog raspodjele i isplate namjenskih sredstava iz točke I. ovog poziva vršit će se sukladno sa Kriterijima za raspodjelu, korištenje, kontrolu i izvještavanje o utrošku sredstava za "Tekući transfer neprofitnim organizacijama – Udruge proistekle iz posljednjeg odbrambeno-

oslobodilačkog rata" u 2024. godini, koje donosi Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata.

V.

Opći kriterij za odobrenje sredstava za sufinansiranje programa rada udruga/saveza proisteklih iz posljednjeg domovinskog rata su:

- Broj članova udruge koje okuplja
- Broj osoba angažiranih na realizaciji projekta
- Visina sredstava potrebna za realizaciju programskih aktivnosti
- Visina učešća sopstvenih te sredstava drugih sufinansijera
- Aktivnosti poduzete na poboljšanju socijalno-statusnog položaja pripadnika braniteljskih populacija

VI.

Sredstva po ovom transferu utvrđena su u ukupnom iznosu od 660.000,00 KM (slovima: šeststotinašezdesettisuća KM i 00/100 KM).

Sredstva za sufinansiranje programa rada odobrvat će se udrugama/savezima proisteklim iz posljednjeg domovinskog rata iz točke II. Javnog poziva u iznosu od 450.000,00 KM (slovima: četiristotinepedesettisuća KM i 00/100).

Sredstva za financiranje tradicionalnog održavanja Sportskih igara određena su u ukupnom iznosu od 110.000,00 KM (slovima: stotinudesettisuća KM i 00/100).

Navedeni iznos će se odobravati na temelju planova/programa i to kvartalno u 2024. godini.

Razliku iznosa po ovom transferu, dio od 100.000,00 KM (stotinutisuća KM i 00/100), određuju se kao interventna sredstva koja će se koristiti kao potpora programima i projektima za hitne i nepredviđene slučajeve koji nisu obuhvaćeni javnim pozivom.

VII.

Zahtjevi po Javnom pozivu za odabir programa/projekata iz oblasti braniteljsko-invalidske zaštite u 2024. godini, podnositi će se Ministarstvu u toku trajanja Javnog poziva, odnosno u trajanju **od 15 dana** od dana njegovog objavljivanja u dnevnim novinama, putem pošte ili osobno u zatvorenim kovertama, na adresu:

Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata

Hamdije Čemerlića br. 2.,

71000 Sarajevo

sa naznakom:

"Komisija za predlaganje raspodjele sredstava „Tekući transferi neprofitnim organizacijama - Udruge proistekle iz posljednjeg domovinskog rata“ u 2024. godini.

VIII.

Aplikacioni formular će biti objavljen na WEB stranici Ministarstva ([www.fmbi.gov.ba.](http://www.fmbi.gov.ba)), a moći će se preuzeti i u prostorijama Pisarnice Ministarstva.

Neblagovremeni i nepotpuni zahtjevi se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

IX.

9

Uz zahtjev je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Statut udruge/saveza –ovjerena kopija;
3. Rješenje o registraciji udruge/saveza –ovjerena kopija;
4. Rješenja o registraciji kantonalnih saveza –članica udruge/saveza –kopija;
5. Uvjerenje o poreznoj registraciji udruge/saveza (identifikacionom broju);
6. Uvjerenje nadležne ispostave Porezne uprave Federacije, ne starije od 30 dana;
7. Kopija ugovora sa bankom ili potvrda od banke iz koje se vidi ko je vlasnik računa;
8. Detaljno opisan projekat ili program za koji se traži sufinansiranje sa finansijskim izračunom prihoda i rashoda;
9. Finansijski plan projekta ili programa za 2024. godinu sa izvorima prihoda i očekivanim rashodima, koji je usvojen od strane nadležnog organa na način kako je propisano Statutom;
10. Ovjerena izjava o visini učešća sopstvenih sredstava i sredstava drugih finansirera;
11. Potvrda o broju članova udruge/saveza ili ovjerena kopija zadnje stranice registra članstva;
12. Ovjerena izjava o broju osoba pripadnika braniteljske populacije angažiranih na realizaciji projekta;
13. Izvještaj o rezultatima dosadašnjih realizovanih projekata i njihov značaj za članstvo u udruzi/savezu i značaj za daljnji rad;
14. Izvještaj o kontinuitetu započetih, a nezavršenih programa/projekata.

Broj: 01-37/2-1179/24
Sarajevo, 21.03.2024. godine

